



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1618. usque ad annum 1620

**Fleury, Claude**

**August. Vind. [u.a.], 1777**

**VD18 90118847**

§. 67. Decretum sacræ Facultatis Theologicæ Coloniensis contra quatuor priores Libros Marci Antonii.

---

[urn:nbn:de:hbz:466:1-67326](https://nbn-resolving.org/urn:nbn:de:hbz:466:1-67326)

Sæc. XVII.  
A. C. 1618.

## §. LXVII.

*Decretum Sacræ Facultatis Theolo-  
gicæ Coloniensis contra quatuor  
prios libros Marci  
Antonii.*

Tandem vero Sacra Facultas Theologica Coloniensis memor obsequii, quod Christo, ejusque Ecclesiæ debet, necnon diligentia, quam contra emergentes hæreses semper præstitit, sequens decretum die ultima Martii hoc anno promulgari præcepit.

Facultas singulis rite examinatis, discussis, & ad ipsum exemplar collatis, ex tunc censuit sicuti & nunc per præsentem censet, ac declarat.

1. Totum librum, tanquam S. Scripturæ, Conciliis, Unanimi SS. PP. Doctrinæ a Christo Domino institutæ, & perpetuo observatæ Ecclesiasticæ Hierarchiæ contrarium, hæreticum, Schismaticum, Calumniis in omnes Catholicæ Ecclesiæ Episcopos, ac nominatim in ipsum totius Ecclesiæ caput Romanum Pontificem maledicentissimis, impudentissimis mendaciis, arrogantissimis in quoslibet Scriptores judiciis, mordacibus, & Christiana modestia indignis Sarcasmis plenum, damnandum esse prout de facto censet ac damnat.

2. In



Sæc. XVII.

A. C. 1618.

2. Pontificem ipsum, tanquam verum universalis Ecclesiæ Caput humillime obsecrandum, sicut de facto obsecrat, ut pro defensione Ecclesiasticæ Hierarchiæ & Primatus Sedis Apostolicæ ad exemplar Sanctissimorum Prædecessorum suorum non gravetur facere contra M. Antonium, quod in simili Primatus impugnatione, octava Generalis Synodus petiit ab Adriano Papa contra Photium. Similiter rogandos omnes Ecclesiæ Catholicæ Antistites, ac præcipue Serenissimum, & Reverendissimum Archiepiscopum, & Principem Electorem nostrum, ut eundem hunc Librum, ex omnibus Diæcesum suarum finibus, tanquam hæreticum & subditis noxium proscribere & relegare Ecclesiastica sua autoritate dignentur.

3. Omnes Ecclesiæ Catholicæ Principes, ac Defensores & universum Magistratum civilem humillime obsecrandos, prout de facto obsecrat, ut civilibus quoque edictis, & poenis subditorum suorum saluti & fidei contra hunc Librum sic prospiciant, ut exemplaribus ubique locorum exustis, omnes intelligant, melius in hoc mundo esse, ut Libri mali pereant, quam animæ Christi Sanguine redemptæ per eos perdantur.

§. LXVIII.